



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-1278/25-I
Brčko, 28.10.2025. godine

Z A P I S N I K
sa 130. vanredne sjednice Pravosudne komisije Brčko distrikta BiH
održane 28.10.2025. godine u 08.30 sati sa sljedećim

D n e v n i m r e d o m

1. Prijedlog o izboru drugog lica u Osnovni sud Brčko distrikta BiH
(izvjestilac: **Rade Mitrović**)
2. Razno

PRISUTNI SU:

1. SAFET PIZOVIĆ, predsjednik Komisije,
2. DAMJAN KAURINOVIĆ, predsjednik Apelacionog suda Brčko distrikta BiH,
3. DRAGAN TOMAŠ, predsjednik Osnovnog suda Brčko distrikta BiH,
4. MEHMED BEČIĆ, član Komisije iz reda građana, putem telefona
5. MILIVOJE VASIĆ, član Komisije iz reda građana,

Sjednica je počela u 08,39 sati.

Konstatuje se da sjednici prisustvuje **pet** članova Komisije, te da su Ćeman Mirsad, Ivan Lovrić, Dejan Đurović i vd. glavnog tužioca Radmilo Ivanović, opravdano odsutni. Konstatuje se da su četiri člana sjednici prisutna lično, dok je Mehmed Bečić član Komisije iz reda građana, prisutan putem audio linka. Sjednici prisustvuje i sekretara Komisije, Rade Mitrović.

Predsjednik Komisije otvara 130. vanrednu sjednicu Pravosudne komisije sa predloženim dnevnim redom.

Konstatuje se da je predloženi dnevni red usvojen jednoglasno, bez primjedbi.

Prelazi se na prvu tačku dnevnog reda.

1. Prijedlog o izboru drugog lica u Osnovni sud Brčko distrikta BiH, odnosno revidiranje rang liste sa preporukom za izbor kandidata pošto je utvrđeno da je od Musić Admira sestra Musić Sabira zaposlena u Osnovnom sudu Brčko distrikta BiH

Sekretar je obrazložio predmetnu tačku i naveo je da je na 273. redovnoj sjednici Pravosudne komisije BD BiH, potvrđena rang lista sa preporukom za izbor referenta za upravljanje predmetima u Osnovnog suda Brčko distrikta BiH, na kojoj je potvrđen prvorangirani kandidat Admir Musić.

Međutim prilikom dostave dokumentacije i provjere ispunjenosti uslova došlo se do saznanja da je sestra tj. bliski srodnik Musić Admira izabranog kandidata, već zaposlenik Osnovnog suda Brčko distrikta BiH.

U skladu sa članom 58. Zakona o sudovima bračni drugovi i srodnici u prvoj liniji i pobočnoj liniji do II stepena ne mogu biti istovremeno zaposleni u istom sudu. Stručna služba Komisije je obavila razgovor sa sestrom kandidata, da li će ona eventualno napustiti tu poziciju, međutim, između njih postoji dogovor da ona ostane na poslu. Kandidat Admir Musić ne ispunjava uslove propisan posebnim zakonom, te Komisija jednoglasno donosi prijedlog da se imenuje naredni kandidat sa rang liste primjenom odredbe 20. Statuta Brčko distrikta BiH u koristi drugoplasiranog kandidata, Pobrić Mirele, sa zbirnom ocjenom 242, Bošnjak.

2. Donošenje Rješenja o raskidu ugovora o volonterskom radu Lejle Softić

Nakon obrazloženja i provedene diskusije, Komisija je jednoglasno donijela rješenje kojim se raskida ugovor o volonterskom radu zaključen između Lejle Softić i Pravosudne komisije BD BiH, broj: SuPK-01-1128/24-I od 14.06.2024. zbog imenovanja na drugu dužnost. Ugovor se raskida zaključno sa 02.11.2025. godine.

Kako se više niko nije javio za riječ, konstatuje se da je 130. vanredna sjednica završena u 08.45 sati.

Zapisnik vodila
Olja Klašnić

Predsjednik
Pravosudne komisije

Safet Pizović